

建始縣志卷之二

知建始縣事袁景暉纂修



祀典志

壇廟 儀注

易觀之象曰聖人以神道設教解者曰神虛無
泛渺之謂聖人特借以儆惕人心已爾抑知虛
無之境神明所棲詩曰明明在上又曰神之格
思不可度思萃之象曰立廟渙之象曰假廟萃
聚也假至也聖人聚至誠以嚴祀事而散者立

建始縣志

卷之二 祀典

一

應焉故詩曰奏假無言然則祀典之設先王所
以通神明而光四海者禮至大也義至精也我
朝世德作求典章燦備悉本大中自

鄴大祀而外下逮各邑凡有功德於民者胥登祀典守
茲土者宜何如恪恭以將事與志祀典

社稷壇在縣城西門外演武廳之左

社右 稷左 異位同壇皆壯向

通禮歲以春秋仲月上戊日致祭知縣主之在城
文武官丞史祀總皆與賦割牲省盥盛以丞若史

各一人糾儀以訓導一人執事用掾吏贊相禮儀均於學弟子員內選充

儀注主祭官暨陪祭官執事人各於公廨致齋三日掃除

壇壝內外具祝版備器陳祭之前夕飭掌饌備品物置案於

神厨設香燭眠割牲官公服詣案前上香行三叩禮畢宰人牽牲告脂遂割牲以豆取毛血瘞於坎及祭日雞初鳴執事人入設案一於

建始縣志

卷之二

祀典

二

壇上正中北向陳鉶二竇和羹簋二竇稻梁簋二竇黍稷籩四竇形鹽棗栗鹿脯豆四竇菁菹鹿醢芹菹兔醢若不能備就土所有以其類充案前設俎陳羊一豕一又前設香案一陳祝文香盤鑪鐙左設一案東向陳篚一寶帛二尊一爵六又設福胙於尊爵之次司祝一人司香帛二人司爵二人位案西東面階下之東設洗當階為主祭官拜位其後為陪祭官拜位文東武西通贊二人位階下左右糾儀官二人分位陪祭官左右均東西面漏未盡

主祭官及陪祭官朝服畢集

壇外引贊二人引省盥官入

壇徧眡牲器酒齊饌者告潔退左右引班二人引陪祭官入東西序立東班西面西班東面引贊二人引主祭官入至階下盥手通贊贊執事者各司其事贊就位引贊引主祭官引班引陪祭官咸就拜位立贊迎

神引主祭官升詣香案前跪司香跪奉香主祭官三上香與贊復位引主祭官降階復位立贊跪叩興主

建始縣志

卷之二

祀典

三

祭官暨陪祭官行三跪九叩禮贊初獻引主祭官升詣

神位前跪司帛跪奉篚主祭官受篚恭獻仍授司帛興奠於案司爵跪奉爵主祭官受爵恭獻仍授司爵興分詣

社

稷位前各奠正中皆退贊讀祝引主祭官詣香案前跪陪祭官皆跪司祝三叩興奉祝文跪於右讀曰維某年某月某日某官致祭於

社

稷之神曰維

神奠安九土粒食萬邦分五色以表封圻育三農而蕃
稼穡恭承守土肅展明禋時屆仲春敬修祀典庶
丸丸松栢鞏盤石於無疆翼翼黍苗佐神倉於不
匱尚

饗讀畢三叩興以祝文復於案退贊叩興主祭官暨
陪祭官三叩興贊復位引主祭官降階復位立贊
亞獻引主祭官升詣

建始縣志

卷之二 祀典

四

神位前獻爵於左贊終獻獻爵於右均如初獻儀贊
賜福胙引主祭官升詣香案前跪司爵跪進福酒於右
主祭官受爵拱舉司爵接爵興司饌跪進豆內於
左主祭官受豆拱舉司饌接豆興各退贊叩興主
祭官三叩興贊復位引主祭官復位立贊送
神贊跪叩興主祭官暨陪祭官行三跪九叩禮贊徹饌
執事官徹饌贊瘞祝帛執事官奉祝次香次帛次
饌詣瘞所禮畢各退

農壇在縣城東門外雍正五年知縣祖永繩置買

田肆畝九分建神宇三間八年知縣武怡復建門樓一座

通禮歲以仲春亥日致祭或用季春知縣主之文武官及各執事人均如祭

社

稷之禮先二日主祭陪祭執事各官致齋公所掃除

壇上下祭日雞初鳴執事人入設

先農神案於

壇正中南向陳釧一簋一簋二邊豆各四案前設俎

建始縣志

卷之二

祀典

五

陳羊一豕一又前設香案一陳祝文香盤鑪鐙左設一案東向陳帛一尊一爵三陳福酒胙肉於尊爵之次設洗於階下之東

儀注贊明引班引陪祭官入引贊引主祭官入通贊贊執事者各司其事贊就位引主祭官至階下盥手畢就拜位立陪祭官按班就東西拜位立均北面迎

神上香讀祝行三獻禮祝辭曰維某年月日某官某致祭於

先農之神曰惟

神肇興稼穡立我烝民頌思文之德克配

彼天念率育之功陳常時夏茲當東作咸服先疇洪惟
九五之尊歲舉

三推之典共膺守土敢忘勞民謹奉彛章聿修祀事惟

願五風十雨嘉祥恒沐

神庥庶幾九穗雙歧上瑞頻書大有尚

饗餘儀與祭

社稷同祭畢率屬行耕藉禮

建始縣志

卷之二

祀典

六

藉田在

先農壇側有事

先農之日知縣率在城文官耕藉賦土宜備穀種青箱

朱鞭耒服耜黝牛及他農器耕器豫陳耕所耆老

率農夫披蓑戴笠竝於田間通贊學弟子分立田

首又向

闕張畫屏設香案一南向通贊立香案之南引班訓

導立通贊之南皆西面致祭

先農禮畢各官易蟒袍詣藉田通贊贊行藉田禮各就

耕所執事者耨耒耜與鞭皆右秉耒左執鞭進耕以丞一人執種箱史一人播種耆老一人牽牛農夫二人扶犁九推九返畢釋鞭耒以次序立田首西向北上農夫遂終畝告畢事各官補服望闕立通贊贊齊班引班分引各官至香案前按班序立重行北面耆老農夫稍遠列行北面隨立贊跪叩興行三跪九叩禮興各退

文廟在縣城內西北隅

崇聖祠在大成殿後

建始縣志

卷之二

祀典

七

大成殿內

至聖先師正位南向

復聖顏子

述聖子思子東位北上西向

宗聖曾子

亞聖孟子西位北上東向

東序

先賢閔子損冉子雍端木子賜仲子由卜子商有子若皆北上西向

西序

先賢冉子耕宰子子冉子求言子偃顏孫子師朱子

熹皆北上東向

東廡

先賢蘧瑗澹臺滅明原憲南宮适商瞿漆雕開司耕

梁鱣冉孺伯虔冉季漆雕徒父漆雕哆公西赤任

不齊公良孺公肩定鄒單罕父黑榮旗左人郢鄭

國原亢廉潔叔仲會公西輿如邾莒陳亢琴張步

叔乘秦非顏噲顏何縣亶樂正克萬章周敦頤程

建始縣志

卷之二

祀典

八

顛邵雍

先儒公羊高伏勝董仲舒后蒼杜子春諸葛亮王通

陸贄范仲淹歐陽修楊時羅從彥李侗呂祖謙蔡

沈陳淳魏了翁王栢趙復許謙吳澄胡居仁王守

仁羅欽順黃道周湯斌均北上西向

西廡

先賢林放宓不齊公冶長公皙哀高柴樊須商澤巫

馬施顏辛曹邴公孫龍秦商顏高壤駟赤石作蜀

公夏首后處奚容蒧顏祖白井疆秦祖縣成公祖

勾茲燕伋樂欵狄黑孔忠公西歲顏之僕施之常
申棖左邱明秦冉牧皮公都子公孫丑張載程頤
先儒穀梁赤高堂生孔安國毛萇鄭康成范甯韓愈
胡瑗司馬光尹焞胡安國張栻陸九淵黃幹真德
秀何基陳澔金履祥許衡薛瑄陳獻章蔡清呂坤
劉宗周孫奇逢陸隴其均北上東向

通禮歲以春秋仲月上丁行釋奠禮正獻知縣主
之兩序兩廡以教職分獻眡割牲省盥盛以佐貳
糾儀以教職司祝司香司帛司饌引贊通贊引班

以學弟子員嫻禮儀者執事在城文武官咸與祭
前期致齋三日祭前一日飭廟戶潔掃廟宇內外
眡割牲官公服詣神厨眡割牲如儀正獻官率執
事人入學習儀禮生十四名

教官率樂舞生入學習舞習吹佾舞生三十六名樂工五十
二名
夜分具器陳

先師位前牛一羊一豕一登一釧二簋二籩二邊十豆
十鑪十鐙二

四配位前各羊一豕一釧二簋二籩二邊八豆八鑪

一鐙二

十二哲位前釧一簋一盞一盞一盞四豆四東西各羊二
豕一鑪一鐙二殿中設一案少西北向供祝版其
東南設一案西向陳禮神制帛九色香盤四尊三
爵二十有七西設一案東向陳禮神制帛八香盤
三尊二爵二十有四凡牲陳於俎凡帛正位四配
異篚十二括東西共篚凡尊實酒承以舟疏布罍
勺具東廡二位同案每位爵一實酒每案簋一盞
一盞四豆四

先賢位前羊二豕二香案一鑪一鐙二

先儒案前羊一豕一香案一鑪一鐙二設案一於南

北向陳禮神制帛二香盤二尊三虛爵六俎篚罍

勺具東西兩廡陳設同設洗於階下之東

通禮樂器陳設兩階編鐘在東編磬在西皆十有

六懸以簾業東應鼓一祝一麾一西敵一東西分

列琴六瑟四簫六篴六篪四排簫二塤二笙六搏

拊二旌二羽籥三十有六

儀注祭之日雞初鳴各官豫集於明倫堂均朝服

味爽贊禮生二人引承祭官由大成左側門入又
禮生八人分引兩序兩廡分獻官隨入至階下之
東盥手畢引至階下拜位前立引班引陪祭官由
左右側門入各就拜位序立典儀唱樂舞生登歌
執事者各司其事文舞六佾進贊禮生贊就位承
祭官分獻官陪祭官各就位立典儀贊迎

神司樂贊舉迎

神樂奏昭平之章樂作贊禮生贊就上香位引承祭
官升東階入殿左門贊詣

建始縣志

卷之二

祀典

十一

先師香案前跪承祭官跪行一叩禮興贊上香司香跪
奉香承祭官上炷香三上辨香跪行一叩禮興贊
以次詣

四配位前跪上香儀同贊復位引承祭官退降階復
位初迎

神時贊禮生分引東西序分獻官各一人升東西階
入殿左右門詣

十二拈位前跪上香退降階復位引兩廡分獻官東
西各二人分詣

先賢

先儒位前跪上香退復位均如前儀贊禮生贊跪叩
興承祭官分獻官暨陪祭官均行二跪九叩禮興
樂止典儀贊奠帛爵行初獻禮贊奏宣平之章舞
羽籥之舞樂作贊禮生引承祭官升階贊詣

先師位前贊跪承祭官跪行一叩禮興司帛跪奉篚承
祭官受篚拱舉奠於案司爵跪奉爵承祭官受爵
拱舉奠於塾中跪行一叩禮興贊贊禮生贊就讀
祝位引承祭官至殿中拜位立贊跪承祭官分獻

延始縣志

卷之二 祀典

十二

官暨陪祭官皆跪贊讀祝司祝跪讀祝辭曰維某
年月日某官某致祭於

至聖先師孔子曰惟

先師德隆千聖道冠百王揭日月以常行自生民所未
有屬

文教昌明之會正禮和樂節之時辟雍鐘鼓咸恪薦
於馨香泮水膠庠益致嚴於遵且茲當仲秋春祗率
葵章肅展微忱聿將祀典以

復聖顏子

宗聖曾子

述聖子思子

亞聖孟子配尚

饗讀畢奉祝版跪安

先師位前簏內三叩興退樂作贊跪叩興承祭官分獻

暨陪祭官均行三叩禮贊禮生引承祭官以次詣

四配位前跪奠帛獻爵儀同退降階復位退及殿左門出降階

復位見贊禮生分引兩序分獻官詣

十二哲位前跪奠帛獻爵降階復位均如儀引兩廡

建始縣志 卷之二 祀典

分獻官詣

先賢

先儒位前奠帛獻爵復位儀同樂止亞獻奏秩平之

章舞同初獻樂作贊禮生引承祭官升階贊詣

先師位前暨

四配位前奠爵於左如初兩序兩廡隨分獻畢均復

位樂止終獻奏叙平之章舞同亞獻樂作引承祭官升

階奠爵於右如亞獻儀兩序兩廡分獻畢均復位

樂止文德之舞退典儀贊飲福受胙贊禮生贊詣

受福胙位引承祭官至殿中拜位立奉福胙二人自東案捧福胙至

先師位前拱舉退立於承祭官之右接福胙二人自西案進立於左贊禮生贊跪承祭官跪贊飲福酒右一人跪遞福酒承祭官受爵拱舉以授於左接以興次受胙如飲福酒之儀贊叩興承祭官三叩興贊復位引承祭官退降階復位贊跪叩興承祭官分獻官暨陪祭官均行三跪九叩禮興典儀贊徹饌奏懿平之章樂作徹畢樂止贊送

神奏德平之章樂作贊禮生贊跪叩興承祭官分獻官暨陪祭官行三跪九叩禮興樂止典儀贊奉祝帛饌送燎有司各奉祝帛香饌恭送燎所如儀承祭官避立拜位西旁俟過復位樂作贊禮生引承祭官詣燎所視燎畢仍引由左側門出樂止陪祀各官皆退

崇聖祠殿內

肇聖王木金父正中

裕聖王祈父左

詔聖王防父右

昌聖王伯夏次左

啟聖王叔梁紇次右皆南向

先賢顏無繇孔鯉東位西向

先賢曾點孟孫氏西位東向均北上

東廡

先儒周輔成程昞蔡元定西向

西廡

先儒張迪朱松東向均北上

建始縣志

卷之二

祀典

十五

通禮

正位前各羊一豕一釧三簋各三邊豆各八鑪一鐙

三

配位前簋二盞二邊四豆四東西羊豕各一鑪一鐙

三中設一案少西供祝版東設一案陳禮神制帛

五匏香盤六尊四爵十有五西設一案陳禮神制

帛四香盤四尊三爵十有二兩廡東二案西一案

每位爵一實酒每案陳設簋盞豆牛羊鑪鐙如

配位之數各南設一案陳禮神制帛一香盤一尊二

虛爵三俎篚罍勺皆具設洗於階下之東儀注上
丁同時致祭正獻以教官兩廡分獻以食餼弟子
員各一人贊禮生引承祭官入祠垣左門引分獻
官隨入承祭官詣階下盥手典儀贊執事者各司
其事贊禮生贊就位承祭官分獻官就位立典儀
贊迎

神司香奉香盤就各案前立贊禮生贊就上香位引
承祭官升東階入殿左門贊詣

肇聖王位前跪承祭官跪行一叩禮興贊上香司香跪

建始縣志

卷之二

祀典

十六

奉香承祭官上炷香三上辦香跪行一叩禮興贊不
次詣左右正位前跪上香儀同降階復位贊禮生
引分獻官升東西階入殿左右門分詣四配兩廡
位前跪上香如儀降階復位贊禮生贊跪叩興承
祭官分獻官行三跪九叩禮興典儀贊奠帛爵行
初獻禮贊禮生引承祭官升階贊詣

中案前跪承祭官行一叩禮興司帛跪奉篚承祭官受
篚拱舉奠於案司爵跪奉爵承祭官受爵拱舉奠
於塾中跪行一叩禮贊不以次詣左右正位案前跪

奠帛獻爵儀同贊禮生贊就讀祝位引承祭官詣
殿中拜位立司祝至祝案前跪三叩奉祝版跪案
左贊跪承祭官分獻官皆跪贊讀祝司祝讀祝辭
曰維某年月日某官某致祭於

肇聖王

裕聖王

詔聖王

昌聖王

啟聖王曰惟

建始縣志

卷之二

祀典

十七

王弈葉鍾祥光開聖緒成德之後積久彌昌凡聲教所
覃敷率循源而溯本宜肅明禋之典用申守土之
忱茲屆仲春秋聿修祀事配以

先賢顏氏

先賢曾氏

先賢孔氏

先賢孟孫氏尚

饗讀畢興奉祝版跪安

肇聖王位前篚內三叩興退贊禮生贊跪叩興承祭官

分獻官行三叩禮興贊復位引承祭官出降階復位贊禮生引正殿分獻官升東西階入殿左右門詣配位前引兩廡分獻官分詣兩廡位前跪奠帛獻爵興復位均如正獻儀亞獻各獻爵於左終獻各獻爵於右均如初儀典儀贊徹饌有司徹饌畢贊送

神贊禮生贊跪叩興承祭官分獻官行三跪九叩禮興典儀贊奉祝帛饌送燎司祝司帛司香司爵各奉祝帛香饌以次恭送燎所如儀承祭官避立西

建始縣志

卷之二

十八

旁竝過復位贊禮生引詣燎所視燎贊禮畢仍引由祠垣左門出各退

通禮月朔釋菜望日上香學官行禮

印字祠在學署東隔壁

忠義孝弟祠未建

名宦祠在文廟戟門之左

鄉賢祠在文廟戟門之右

通禮春秋釋奠禮畢教職一人公服誥四祠致祭引贊贊跪主祭官跪讀祝辭曰維某年某月某官

某致祭於

忠義孝弟之靈曰惟

靈稟賦貞純躬行篤實忠誠奮發貫金石而不渝
義問宣昭表鄉閭而共式祇事懋彝倫之大性摯
莪蒿克恭念天顯之親情殷棣萼模楷咸推夫懿
德

綸恩時闡其幽光祠宇維隆歲時式祀用陳尊簋來格
几筵尚

饗讀畢以祝文復於案退主祭官府伏興執事者酌

建始縣志

卷之二 祀典

十九

酒獻於左又酌酒獻於右退引贊二跪叩興主祭
官跪三叩興執事者以竹帛送燎引贊引主祭官
出執事者徹皆退各祠致祭儀同

通禮節孝祠跪讀祝詞曰維某年月日某官某致
祭於

節孝之靈曰惟

靈純心皎潔令德柔嘉矢志完貞全閨中之亮節
竭誠致敬彰閭內之芳型茹冰蘖而彌堅清操自
勵奉盤匱而匪懈篤孝傳徽

絲綸特沛乎殊恩祠宇昭垂於今典祇循歲祀式薦尊
醪尚

饗餘儀同

謹按通禮名宦鄉賢二祠祝文各首州縣異辭不悉載

神祇壇在縣北門外

通禮歲春秋仲月諏吉致祭知縣主之在城文武
各官皆與設案一於壇正中南向

雲雨風雷之神位居中

建始縣境內山川之神位左

建始縣志

卷之二

祀典

二十

建始縣城隍之神位右案陳劍一篋二篋二邊豆各

四案前設俎陳羊一豕一又前設香案一陳祝文

香盤鑪鐙西設一案陳帛七尊一爵二十有一福

酒胙肉於尊俎之次

儀注祭日有司供具執事人預入序立引班引陪

祭官入引贊引主祭官入通贊贊執事者各司其

事贊就位引主祭官至階下盥手就拜位立陪祭

官按班就東西拜位立均北面迎神上香讀祝行

三獻禮祝辭曰維某年月日某官某致祭於

雲雨風雷

建始境內山川之神

建始城隍之神曰惟

神贊襄天澤福佑蒼黎佐靈化以流行生成永賴乘氣

機而鼓盪溫肅攸宜磅礴高深長保安貞之吉憑

依鞏固實資捍禦之功幸民俗之殷盈仰

神明之庇護恭修歲祀正值良辰敬潔豆籩祇陳牲

幣尚

饗餘儀節與祭

建始縣志

卷之二 祀典

二十一

社稷同

歲孟夏後諏吉雩祭陳設儀注同前若間不雨及

潦諏宜祀之辰具祝文

隨時撰擬

備牲牢籩豆香帛尊

爵鑪鐙守土縣官率屬素服虔禱為民請命行禮

儀節與常祀同既應而報陳設供具朝服行報祀

禮儀節與祈祀同

關帝廟在縣西門大街乾隆二十年知縣余本詳修

通禮歲以春秋仲月及五月旬有三日致祭知縣

主之後殿以丞史執事以禮生是日昧爽廟祝潔

掃殿宇內外具祝版備器陳

神位前牛一羊一豕一豮一釭一釧二簠簋各二籩豆各十
鑪一鐙二殿中設一案少西北向供祝版東設一
案陳禮神制帛一匏香盤一尊一爵三牲陳於俎
帛實於篚尊實酒罍勺具設樂於西階上設洗於
東階上承祭官拜位在殿內正中

儀注贊明承祭官朝服詣廟贊禮生二人引承祭
官由廟左門入至東階上盥手畢進殿東門詣拜
位前立典儀贊執事者各司其事贊禮生贊就位

建始縣志

卷之二

祀典

二十二

引承祭官就位立典儀贊迎

神樂作贊禮生贊詣上香位引承祭官就香案前立贊

上香司香跪奉香承祭官上炷香三上辦香畢贊

復位引承祭官復位立贊跪叩興承祭官行三跪

九叩禮興典儀贊奠帛爵行初獻禮有司揭尊罍

勺挹酒實爵樂作司帛奉篚司爵奉爵各進至

神位前司帛跪奠篚於案三叩興司爵立獻爵於案正

中各退司祝詣祝案前跪三叩興奉祝版跪案左

樂暫止贊禮生贊跪承祭官跪典儀贊讀祝司祝

讀祝辭曰維某年月日某官某致於

忠義神武靈祐仁勇威顯闕聖大帝之神曰惟

帝浩氣凌霄丹心貫日扶正統而彰信義威震九州宗

大節以篤忠貞名高三國

神明如在徧祠宇於寰區靈應丕昭薦馨香於歷代屢

徵異蹟顯祐羣生恭值仲春嘉辰遵行祀典筵陳

遵豆几奠牲醪尚

饗讀畢以祝版跪安於篚內叩如初興退贊禮生贊

叩興承祭官行三叩禮興典儀贊行亞獻禮樂作

建始縣志 卷之二 祀典

二十三

司爵獻爵於左如初獻儀典儀贊行終獻禮樂作

司爵獻爵於右如亞獻儀典儀贊徹饌樂作有司

徹畢贊送

神贊禮生贊跪叩興承祭官行三跪九叩首禮興樂止

典儀贊奉祝帛饌送燎有司奉祝帛香饌以次送

燎如儀贊望燎贊禮生引承祭官詣燎位眡燎禮

畢樂止各官皆退

通禮同日祭後殿府縣均以丞史將事

光昭公位中

裕昌公左

成忠公右均南向位各異案每案羊一豕一釧一簋各二籩豆各八鑪二鐙二殿中設案少西北向供祝版東西各設一案分陳禮神制帛三白香盤三爵九尊三俎篚罍勺具設洗於後垣門內甬通東承祭官位殿檐下正中執事人各以其職為位如常儀贊明承祭官由前左門入後垣中門盥手升階就位迎

神引詣正位前上香畢以次詣左右位前上香復位行

建始縣志

卷之二

祀典

二十四

二跪六叩禮初獻讀祝如儀祝辭曰維某年月日某官某致祭於

關帝之

曾祖光昭公

祖裕昌公

父成忠公曰惟

公世澤貽庥靈源積慶德能昌後篤生神武之英善則歸親宜享尊崇之報列上公之封爵

錫命攸隆合三世之肇禮典章明備恭逢仲春諏吉秋禘

事薦香尚

饗凡儀節皆與前殿同

通禮五月十三致祭

關帝廟前殿

神位前陳牛一羊一豕一果實五盤鑪鐙具陳設及行

禮儀節與春秋祭同祝辭曰惟某年月日某官某

致祭於

忠義神武靈佑仁勇威顯關聖大帝之神曰惟

神純心取義亮節成仁允文允武乃聖乃神功高當世

建始縣志

卷之一

祀典

二十五

澤被生民兩儀正氣歷代明禋英靈丕著封號聿

新敬修歲祀顯佑千春尚

饗

通禮同日致祭後殿每案羊一豕一果實五盤典

儀不贊徹饌司爵以執事生餘陳設及行禮儀節

與春秋祭同祝辭曰維某年月日某官某致祭於

關帝之

曾祖光昭公

祖裕昌公

父成忠公曰禮隆報祀誼重推恩當崧生嶽降之期溯
木本水源之始輝煌棟宇憑依已妥於上公修潔
豆遵將饗告虔於仲夏惟

神昭鑒尚其格歆

文昌宮在東門外乾隆辛亥年知縣趙源生重修後頽
廢改作城內道光己丑年紳耆勸捐復遷置舊山
之巔

通禮歲以二月三日暨仲秋月諏吉致祭具祝版
備器陳設洗辨位設樂均與祭

建始縣志

卷之一

祀典

二十六

闕帝廟同

儀注祭日昧爽廟祝潔掃殿宇內外具祝版備器
陳

神位前陳牛一羊一豕一豮一釭一釧二簋簋各二遵豆
各十鑪一鐙二殿中設一案少西北向供祝版東
設案一陳禮神制帛一色香盤一尊一爵三凡牲
陳於俎帛實於篚尊實酒冪勺具設樂於西階設
洗於東階上承祭官拜位在殿內正中執事各以
其職為位贊明承祭官朝服詣廟贊禮生二人引

承祭官由廟左門入至東階上盥手畢進殿東門
詣拜位前立典儀贊執事者各司其事贊禮生贊
就位引承祭官就位立典儀贊迎

神樂作贊禮生贊詣上香位引承祭官就香案前立贊
上香司香跪捧香承祭官上炷香三上辨香畢贊
復位引承祭官復位立贊跪叩興承祭官行三跪
九叩禮興典儀贊奠帛爵行初獻禮有司揭尊裏
勺挹酒實爵司帛捧篚司爵捧爵進至

神位前司帛跪奠篚三叩興司爵立獻爵於案正中各

建始縣志

卷之二

祀典

二十七

退司祝詣祝案前跪三叩興捧祝版跪案左樂暫
止贊禮生贊跪承祭官跪典儀贊讀祝司祝讀祝
辭曰維某年月日某官某致祭於

文昌帝君曰惟

神蹟著西潼樞環北極六匡麗曜協昌運之光華累代
垂靈為人文之主宰扶正久彰夫感應薦馨宜致
其尊崇茲屆仲春用昭時祀尚其歆格鑒此精虔
尚

饗讀畢興以祝版安於篚叩如初興退贊禮生贊跪

叩興承祭官行三叩禮興典儀贊行亞獻禮司爵獻爵於左贊行終獻禮司爵獻爵於右均如初獻儀典儀贊徹饌有司徹畢贊送

神贊禮生贊跪叩興承祭官行三跪九叩禮興樂止典

儀贊捧祝帛饌送燎有司捧祝帛香饌以次送燎贊望燎贊禮生引承祭官詣燎位視燎禮畢樂止

承祭官及執事者皆退

通禮同日祭後殿

文昌帝君先代神位前設一案陳羊一豕一釗二簋簋

建始縣志 卷之二 祀典

各二邊豆各八鑪一鐙二承祭官行二跪六叩禮

祝辭曰維某年月日某官某致祭於

文昌帝君之

前代曰祭引先河之義禮崇反本之思矧夫世德彌光

延賞斯及祥鍾累代炯列宿之精靈化被于秋為人文之主宰是尊後殿用答前麻茲值冲春肅將秋

時事用申告潔

神其格歆尚

饗餘陳設器數及行禮儀節均與祭

關帝廟後殿同
龍神祠在縣南門外

通禮歲以春秋仲月辰日致祭前期有司具祝文
飭廟戶潔掃祠宇拂拭神案備執事人具器陳羊
一豕一簋簋各二籩豆各十鑪一鐙二陳祝文於
案左陳帛一香盤一壺一爵三於案右
儀注主祭官朝服詣祠贊禮生二人引入拜位前
立典儀贊迎

神樂作贊禮生贊就上香位引主祭官就香案前立司
建始縣志卷之二 祀典 二十九

香自右奉香盤進主祭官上炷香三上辦香訖贊
復位引主祭官復位贊跪叩興主祭官行三跪九
叩禮興典儀贊奠帛爵行初獻禮司帛跪奠篚獻
帛於案三叩興司爵酌酒實爵獻於正中皆退司
祝詣祝案前跪三叩興奉祝版跪案左樂暫止典
儀贊讀祝引贊贊跪主祭官暨各官皆跪祝辭曰
維某年月日某官某致祭於

龍王之神曰惟

神德洋洋寰海澤潤蒼生永襄水土之平經流順軌廣濟

泉源之用膏雨及時績奏安瀾占大川之利涉功
資育物欣庶類之蕃昌仰藉

神庥宜隆報享謹修祀典式協良辰敬布几筵肅陳牲
幣尚

饗

祝辭本湖
北通志

讀畢興奉祝版安於篚叩如初贊禮生贊
跪叩興主祭官及各官行三叩禮興典儀贊行亞
獻禮司爵酌酒獻於左典儀贊行三獻禮司爵酌
酒獻於右退迺徹饌送

神引贊贊跪叩興主祭官行三跪九叩禮興執事者以
建始縣志

卷之二

禮典

二十

祝帛送燎禮畢各退

厲壇 在縣城北門外

通禮歲三月寒食節七月望十月朔祭厲壇於城
北郊

儀注前期守土官飭所司具香燭公服詣

神祇壇以祭厲告

本境城隍之神上香跪三叩興退至日所司陳羊三豕
三米飯三石樽酒棉帛於祭所設燎鑪於壇南質
明贊禮生二人引守土官公服詣

神位前贊跪守土官跪贊上香守土官三上香贊叩興
守土官三叩興退執事者焚棉帛守土官詣燎鑪
前祭酒三爵退禮生仍奉

城隍神位還

神祇壇退

迎

詔

通禮有司豫於公廡設屏南向屏前設

詔案又前設香案案東設臺階下為文武官拜位文東

建始縣志

卷之二

祀典

三十一

武西重行異等如朝賀儀紳士班於文官之末耆
老軍民集於武官之末皆北面宣詔官一人展詔
官二人立臺下西面通贊者立香案左右引禮生
立百官班位左右皆東西面

儀注

詔及郊守土官備龍亭旗仗出迎使者承

詔書以架奉陳龍亭內乘馬後隨鼓樂前導文武官朝

服出迎道右跪候過興先至公廡門外序立紳士

耆老軍民畢會

詔至門跪迎如初禮使者下馬從龍亭入衆隨入使者奉

詔書陳於案退立案東西面引禮生引羣官就位北面立通贊贊跪叩興衆行三跪九叩禮贊宣

詔使者奉

詔授宣詔官復位立宣詔官跪接登臺展詔二人從升均西面展

詔書宣讀訖復於案皆降衆聽贊復行三跪九叩禮如初退

建始縣志

卷之二 祀典

三十二

宣講

聖諭

通禮月朔望縣令飭所部民齊集公所選醇謹耆老一人為約正有司公服蒞恭宣

世祖章皇帝欽定六諭

聖祖仁皇帝聖諭十六條

世宗憲皇帝聖諭廣訓兵民團聽宣畢各退鄉堡均擇適中地為鄉約所選老成公正一人為約正樸實謹守者三四人直月按期集所部民宣講

聖諭擇律文內民俗易犯者咸宣示之守土官實力董率教職隨時遊行宣導

迎春

通禮先立春日縣於東郊造芒神土牛立春在十月朔後芒神執策當牛肩在正月朔後當牛腹在正月望後當牛膝示民農事早晚

儀注屆立春日吏設案於芒神春牛前陳香燭菓酒之屬案前布拜席通贊執事者於席左右立知縣率在城文武官朝服畢詣東郊立春時至通贊

建始縣志

卷之二

祀典

三十三

贊行禮正官一人在前餘以序列行就拜位贊跪叩與衆行一跪三叩禮執事者舉壺爵跪於正官之左正官受爵酌酒酌酒三授爵於執事者復行三叩禮衆隨行禮興迺昇芒神土牛鼓樂前導各官後從迎入城置於公所各官執采杖環立樂工擊鼓擊土牛三迺各退

鄉飲酒禮

通禮歲孟春望日孟冬朔日舉行鄉飲酒之禮於學宮以縣令為主人以鄉之年高六十以上有德

行者一人為賓其次一人為介又其次為眾賓以
 教官一人為司正學弟子習禮者二人司爵二人
 贊禮二人引禮一人讀律令僚佐皆與前期戒賓
 賓禮辭許戒介亦如之右戒賓介先一日司正率
 執事者詣講堂肄儀設監禮席次於庭東北面布
 賓席於堂西北南向主人席於堂東南西向介席
 於堂西南東向眾賓之長三人席於賓西南向東
 上皆專席不屬眾賓於西序東向僚佐席於東序
 西向皆北上司正席於主人之東北向如有鄉人
夫來觀禮

者坐於東北三品以上席南向
五品以上席西向無則闕之

設律令案一於主

介間正中東西肆設尊案一於東序端南北肆設
 樂於西階下如儀右陳設布席

儀注屆日質明執事者入具饌設尊於案實酒於
 尊加羃勺解爵在尊北讀律令者奉律令陳於中
 案監禮者朝服詣學宮主人率司正及僚屬咸朝
 服入迺使人速賓介屆時賓介盛服至序立於庠
 門外之右介居賓南眾賓居介南皆東面北上執
 事以賓至告於主人主人出迎賓西面揖賓介以

下東面答揖主人入門左賓揖介介揖眾賓以次
入門右當階主人揖及階揖賓皆答揖主人與賓
讓升三讓賓三辭主人升賓迺升主人東階上賓
西階上贊者贊拜主人西面再拜賓東面答拜與
即席主人降延介一讓升介升拜如賓禮就位主
人迺延眾賓眾賓以次皆升主人揖賓長皆答揖
眾賓即席主人率僚佐以下皆即席右迎賓
贊者贊揚解執事者引司正由東階升詣堂中賓
介皆起立贊揖司正揖賓介以下答揖司爵詣酒

尊所舉罍酌酒於解進授司正司正揚解而語曰
恭惟

朝廷率由舊章敦崇禮教舉行鄉飲非為飲食凡我長
幼各相勸勉為臣盡忠為子盡孝長幼有序兄友
弟恭內睦宗族外和鄉黨無或廢墜以忝所生讀
畢贊者贊司正飲酒司正立飲畢以解授執事者
反於案贊揖司正揖賓介以下皆揖司正復位賓
介以下皆坐右揚解贊讀律令執事者舉律令案
於中堂引禮引讀律令者就案前北面立賓介主

人以下聽贊咸起立旅揖如司正揚觶禮迺讀律
令曰律令凡鄉飲酒序長幼論賢良高年有德者
居上其次序齒列坐有過犯者不得干與違者罪
以違制失儀則揚觶者以禮責之讀畢復位賓介
以下皆坐 右讀律令贊者贊供饌執事者舉饌案
於賓前次介次主人衆賓以下徧舉訖贊獻賓主
人起離席北面立司爵詣酒尊所酌酒實爵授主
人主人受爵詣賓席奠於案稍退賓避席立於主
人之左贊拜主人再拜賓答拜皆復位立贊賓酢

主人賓離席司爵酌酒授賓賓受爵介從詣主人
席前拜送爵主人答拜如前儀復位主人起獻介
介酢主人如前儀皆坐執事者徧獻三賓衆賓爵
訖 右獻賓賓酢主人酒數行工升歌周詩鹿鳴三
章卒歌笙奏

御製補南陔詩辭曰我逝南陔言陟其岵昔我行役瞻
望有父欲養無由風木何補我逝南陔言陟其屺
今我行役瞻望有母母也倚閭歸則寧止南陔有
筍籜實勺之孱孱孩提孰噢咻之慎爾溫清潔爾

肯儲今爾不養日月其怡

御製補白華詩辭曰有白者華不污纖塵咨爾士兮宜
修其身不修其身乃貽羞於二人有白者華婉孌
靜好咨爾女兮宜修婦道不修婦道迺貽羞於二
老白華匪玉涅而不淄白華匪蘭芬乃勝之我擷
白華載詠載思白華匪玉質玉之令白華匪蘭臭
蘭之淨我擷白華載思載詠

御製補華黍詩辭曰瞻彼阪田厥黍始華胠足胠手嗟
我農夫瞻彼阪田黍華以秀胠手胠足惟勤斯茂

建始縣志 卷之二 祀典

三十七

華有不秀矣秀有不實矣其雨其雨矣杲杲日出
矣愁予愁之恤矣聞歌周詩魚麗亦有嘉魚南山
有臺三章笙奏

御製補由庚詩辭曰王庚便便東西朔南六符調燮八
風節宣王庚容容朔南西東維敬與勤百王道同
王庚廓廓東西南朔先憂而憂後樂而樂王庚恢
恢南朔東西皇極孰建惟德之依

御製補崇邱詩辭曰澗松童童蛙黽鄰兮邱草萋萋蕩
青雲兮凡百君子慎乃託身兮澗松童童澗則卑

兮邱草萎萎邱則崎矣凡百君子審乃所依兮有
崇者邱物無不遂有卓者道愚無不智資生育德
永植勿替

御製補由儀詩辭曰在上曰天在下曰地君君臣臣父
父子子在下曰地在上曰天父父子子君君臣臣臣
由其儀矣物則熙矣儀其由矣物則休矣迺合樂
歌周南關雎三章召南鵲巢三章卒歌工告備出
執事者行酒主賓以下飲無算爵右樂賓贊禮贊

徹饌衆起離席主人率僚屬在東西上賓介在西

建始縣志

卷之二

禮典

三十八

東上皆北面贊拜主人再拜賓介以下皆再拜賓
降西階出介及衆賓從立庠門外之右東面北上
主人降東階出僚屬從送賓於庠門外之左西面
旅揖賓介退禮卒無愆監禮者出主人率僚屬送
於庠門外皆退右徹饌賓出

日月食救護

通禮知縣遇日月食按欽天監推定時刻分秒隨
時救護於公署以正官一人領班行禮正貳教職
二人糾儀學弟子員二人通贊引班陰陽官一人

報時至日設香案於露臺上爐檠具早晚隨日月
為向糾儀通贊引班分列於香案左右布各官拜
席於香案陳金鼓於儀門外樂舞生二人奉小鼓
於露臺下各官素服陰陽官報日月初虧通贊贊
齊班引班引各官至拜位前立重行異等少進贊
跪叩興衆行三跪九叩禮興贊上香班首官進至
香案前三上香畢復位贊跪皆跪贊伐鼓樂舞生
奉鼓迨跪於左正官伐鼓三聲儀門外金鼓振作
乃按班更番上香祇跪糾儀二人更番祇立並如
建始縣志

卷之二 祀典


三十九

前儀陰陽官報日月復圓金鼓聲止通贊贊齊班
衆官至拜位前立聽贊行禮如初畢各退

旗纛神致祭之禮

通禮每歲秋季霜降日申令本標弁卒校閱於演
武場前一日營將弁肅隊伍赴校場豫立軍幕屆
日黎明軍士擐甲列陣中軍建大纛於場正中間
帥以牲醴致祭行二跪六叩禮中軍以下將士均
隨行禮畢軍門鼓吹節鉞前導間帥徧閱行陣還
登將臺升帳儀衛左右分列諸將擐甲傳臺下中

操 軍詣帳前上行陣圖式請令操兵迺舉旗麾衆合



建始縣志

卷之一

紀典

七十

